

**785** *Er vrâgete den künec Gramoflanz,*  
 ob diu liebe wäre ganz  
 zwischen im unt der nifteln sîn,  
 daz er daz tæte an im nû schîn:  
 5   »helfet ir unt mîn neve Gawan,  
 swaz wir hie küngege unt vürsten hân,  
 barûne unt arme rîter gar,  
 daz der decheiner hinnen var,  
 ê si mîn kleinöde ersehen.  
 10   mir wäre ein laster hie geschehen,  
 schiede ich vor gâbe hinnen vrî.  
 swaz hie varendes volkes sî,  
 die warten alle gâbe an mich.  
 Artus, nû wil ich bitten dich,  
 15   deiz den hôhen niht versmâhe,  
 des gewerbes gein in gâhe  
 unt wis des lasters vûr si pfant  
 – si erkanten nie sô rîche hant –  
 unt gib mir boten in mîne habe,  
 20   dâ der prêrente sol komen abe.«  
 si lobten dem heiden,  
 sine wolten sich niht scheiden  
 von dem velde in vier tagen.  
 der heiden wart vrô, sus hôt ich sagen.  
 25   Artus im wîse boten gap,  
 die er solde senden anz hap.  
 Feirefiz, Gahmuretes kint,  
 nam tincten unt permint.  
 sîn schrift wärzeichens niht verdarp;  
 30   ich wæne, ie brief sô vil erwarp.

diu suone w. \*G (*ohne Z*)  
 nû om. \*G \*T  
 mîn neve om. \*G \*T  
 wir künige oder v. \*G (\*T)  
 Britun unde ander vürsten (Baron vnd die andern ritter Z) gar, \*G · armer \*T  
 daz ir dekeiner (dekeine U) \*T  
 l. dran g. \*G  
 gâben \*T  
 daz den \*G  
 mînes (min I Des Z U) gewerbes gâbe (gein im iahe Z [U]) \*G  
 b. an m. \*T  
 dô enbuten (Da lobten Z Dem boten U) si dem h., \*G \*T  
 velde inner vier \*G (*nur GI*)  
 sus om. \*G \*T  
 senden in daz hap. \*G (*nur GI*) \*T  
 dô nam G. kint \*G  
 nam om. \*G  
 sîner sch. (schrif Z) wärzeichen (wortzeichen L) n. v.; \*G (\*T)

\*D: D \*m: m (*ohne 785.9, mit 785.10<sup>1</sup>*) V Fr6 \*G: G I L (*ohne 785.9–10*) Z \*T: U (*ohne 785.17–19*)

**1** *Initiale D G L Z*   **9** *Initiale I*   **21** *Initiale V Fr6*

**1** Er] +r D   **2** ganz] sô ganz \*m (*nur m*)   **4** nû] om. \*m (*nur m*)   **5** ir] ir mir (mir V mir ir Fr6) \*m   **7** arme] armer ([a\*]: ander V) \*m (*ohne Fr6*)   **14** neve Artus, ich wil bitten dich, \*m   **17** si] mich \*m   **21** si lobten] dô lobten si \*m   **29** sîn geschrift (schrift V) wortzeichens niht verdarp; \*m (*ohne Fr6*)